

PWYLLGOR CRAFFU PARTNERIAETHAU

Cofnodion cyfarfod o'r Pwyllgor Craffu Partneriaethau a gynhaliwyd yn SIAMBR Y CYNGOR, TY RUSSELL, FFORDD CHURTON, Y RHYL, Dydd Llun, 16 Medi 2019 am 10.00 am.

YN BRESENNOL

Y Cyngorwyr Joan Butterfield, Jeanette Chamberlain-Jones (Cadeirydd), Gareth Davies, Hugh Irving, Pat Jones, Christine Marston a/ac Peter Scott

HEFYD YN BRESENNOL

Cyfarwyddwr Corfforaethol – Cymunedau (NS), Rheolwr Partneriaeth Diogelwch Cymunedol (DT), Rheolwr Tîm Cynllunio Strategol (NK), Pennaeth Gwasanaethau Cymorth Cymunedol (PG), Rheolwr Gwasanaeth – Gwasanaethau Arbenigol (AP), Pennaeth Addysg a Gwasanaethau Plant (KIE), Cydlynnydd Craffu (RE) a Gweinyddwr Pwyllgorau (SLW)

Hefyd yn y cyfarfod:

Y Cyngorydd Bobby Feeley, y Cyngorydd Tony Thomas a'r Cyngorydd Mark Young (Aelod Arweiniol Cynllunio, Gwarchod y Cyhoedd a Chymunedau Mwy Diogel)

Hefyd yn bresennol ar ran BIPBC:

Bethan Jones – Cyfarwyddwr Rhanbarth Canolog

Sue Wynne – Rheolwr Gwasanaethau Clinigol, Rhanbarth Canolog

Sara Hammond-Rowley – Pennaeth Seicoleg Plant a Therapiau Seicolegol

Arsylwyr:

Y Cyngor. Rachel Flynn a Tony Thomas

1 YMDDIHEURIADAU

Derbyniwyd ymddiheuriadau am absenoldeb oddi wrth y Cyngorwr(wyr) Melvyn Mile, Rhys Thomas, David Williams a/ac Emrys Wynne

2 DATGAN CYSYLLTIAD

Roedd y Cyngorydd Gareth Lloyd Davies yn datgan cysylltiad personol yn Eitem 7 (Gwasanaethau Iechyd Meddwl Plant a'r Glasoed a Gwasanaethau Niwroddatblygiad) gan ei fod yn gweithio i BIPBC.

Roedd y Cyngorydd Rachel Flynn (arsylwr) yn datgan cysylltiad personol yn Eitem 7 (Gwasanaethau Iechyd Meddwl Plant a'r Glasoed a Gwasanaethau Niwroddatblygiad) gan fod ei mab wedi'i atgyfeirio ar gyfer niwroddatblygiad gan CAMHS.

3 MATERION BRYN FEL Y'U CYTUNWYD GAN Y CADEIRYDD

Ni chodwyd unrhyw faterion brys.

4 COFNODION Y CYFARFOD DIWETHAF

Cafodd cofnodion cyfarfod y Pwyllgor Craffu Partneriaethau a gynhaliwyd ar 11 Gorffennaf 2019 eu cyflwyno.

Materion yn Codi -

Tudalen 9 – gofynnodd y Cadeirydd am ddiweddariad ar y cynllun peilot tai. Cadarnhaodd y Cydlynnydd Craffu ei fod ar gyfer pobl ag anghenion cymhleth a byddai diweddariad yn cael ei gyflwyno i'r Pwyllgor Craffu ganol-2020, fel rhan o Strategaeth Digartrefedd ac adroddiad Cynllun Gweithredu 2017-2021.

Tudalen 13 – Cadarnhaodd y Cydlynnydd Craffu bod holl wylanod wedi eu diogelu a bod Cynllun Rheoli wedi'i gyflwyno i'r Pwyllgor Craffu Cymunedau ym mis Gorffennaf 2019 gyda nifer o gamau gweithredu.

***PENDERFYNWYD** yn amodol ar yr uchod i dderbyn a chadarnhau cofnodion y Pwyllgor Craffu Partneriaethau a gynhaliwyd ar 11 Gorffennaf 2019 fel cofnod cywir.*

Trafododd y Pwyllgor yr eitem fusnes ganlynol, eitem rhif 5, yn ei swyddogaeth fel Pwyllgor Archwilio Trosedd ac Anhrefn dynodedig y Cyngor yn unol â Deddf yr Heddlu a Chyfiawnder adrannau 19 a 20.

5 DIWEDDARIAD BLYNYDDOL Y BARTNERIAETH DIOGELWCH CYMUNEDOL AR GYFER 2018-19

Cyflwynodd yr Aelod Arweiniol Cynllunio, Diogelu'r Cyhoedd a Chymunedau Diogel, y Cynghorydd Mark Young yr adroddiad (dosbarthwyd yn flaenorol) i gael sylwadau'r Pwyllgor ar weithgaredd y Cydbartneriaethau Diogelwch Cymuned yn 2018-19 a'r Cynllun Gweithgaredd Lleol a Rhanbarthol 2019-20. Roedd y Cynghorydd Young hefyd yn Gadeirydd y Bwrdd Cymunedau Mwy Diogel Gogledd Cymru rhanbarthol hefyd.

Dywedodd y Rheolwr Partneriaeth Diogelwch Cymunedol 12 mlynedd yn ôl, unwyd Partneriaethau Diogelwch Cymunedol Cyngor Bwrdeistref Sirol Conwy (CBSC) a Chyngor Sir Ddinbych (CSDd), gyda CBSC yn gweithredu fel y prif gyflogwr. Roedd yr Adran Gwella Busnes a Moderneiddio yn arwain o ran rheoli'r Bartneriaeth Diogelwch Cymunedol yn Sir Ddinbych.

Rhoddodd y Rheolwr Partneriaeth Diogelwch Cymunedol eglurhad o'r ystadegau yn yr adroddiad.

Roedd trefn cyfarfod y Bartneriaeth Diogelwch Cymunedol yn cynnwys:

- Grŵp Llywio Strategol - cyfarfod deirgwaith y flwyddyn
- Grŵp Tasg Ymddygiad Gwrthgymdeithasol - a gynhelir yn fisol

- Grwpiau Tasg a Gorffen – cynhelir fel bo'r angen

Roedd y tair blaenoriaeth Partneriaeth Diogelwch Cymunedol 2018-2019 fel a ganlyn:

- Blaenoriaeth 1 - lleihau trosedd ac anhrefn yn yr ardal leol a rhanbarthol
- Blaenoriaeth 2 - lleihau aildroeddu – blaenoriaeth genedlaethol/ranbarthol
- Blaenoriaeth 3 – blaenoriaethau lleol

Roedd gan bob maes blaenoriaeth nifer o ddangosyddion perfformiad i fonitro cynnydd a thueddiadau troseddau. Adolygwyd yr ystadegau yn chwarterol yng nghyfarfodydd y Grŵp Llywio Strategol, gan weithredu ar unrhyw faterion sy'n dod i'r amlwg.

Wrth drafod, codwyd y materion canlynol:

- Ailddioddefwyr trosedd – oedd yna dueddiad arbennig? Cadarnhaodd y Rheolwr Partneriaeth Diogelwch Cymunedol y byddai'n casglu manylion ac yn dosbarthu i aelodau, ond roedd dulliau newydd o adrodd a chyfrif digwyddiadau wedi cael effaith ar y ffigyrau hyn.
- Oedd ystadegau ar gael ar gyfer trosedd gwledig – dywedodd y Rheolwr Partneriaeth Diogelwch Cymunedol nad oedd ganddi'r ystadegau wrth law ond bu'n gweithio gyda'r tîm trosedd gwledig. Byddai'n casglu'r wybodaeth a'i dosbarthu i aelodau.
- Roedd yna ychydig o feirniadaeth ynglŷn â'r heddlu ac nad oeddent yn ymchwilio bwrgheriaeth preswyl. Roedd rhif trosedd at ddibenion yswiriant yn cael ei roi allan ond ddim yn arfer cael ei ymchwilio. Fodd bynnag, roeddent yn gweithredu nifer o fentrau a anelwyd at helpu trigolion i leihau'r risg o fod yn darged trosedd e.e. y fenter 'Sbarduno' oedd yn defnyddio cyfryngau cymdeithasol at ddiben atgoffa pobl i gau a chloi pob drws a ffenestr i geisio osgoi bwrghlariaid sy'n bachu cyfle.
- Problem pobl ifanc heb oruchwyliaeth rhiant rhwng 3.00pm (diwedd y diwrnod ysgol) a rhieni yn dychwelyd o'r gwaith fel arfer tua 5.00pm Gallai hyn achosi problemau.
- Cadarnhawyd y byddai'r Aelod Arweiniol, y Cynghorydd Mark Young yn cwrdd â'r Prif Arolygydd ac y byddai'n codi'r pryderon gydag ef ac yn gofyn iddo amlygu'r meysydd hyn yn ei gyflwyniad i sesiwn Briffio'r Cyngor ym mis Tachwedd 2019.
- Eglurwyd bod nifer fawr o bartneriaid, gan gynnwys yr heddlu wedi mynychu'r cyfarfodydd CSP a'u bod yn hynod ragweithiol.
- Roedd llinellau cyffuriau yn bryder mawr a chadarnhaodd y Rheolwr Partneriaeth Diogelwch Cymunedol fod holl asiantaethau ar draws Gogledd Cymru yn gweithio gyda'i gilydd i liniaru'r mater hwn.
- Roedd meddiannu cartrefi hefyd wedi'i grybwyll ar gynydd, ac eto roedd pob asiantaeth yn gweithio gyda'i gilydd mewn perthynas â'r mater hwn.
- Roedd trosedd casineb wedi cynyddu yn ystod y flwyddyn ond roedd yn ymddangos fel petai mewn lleoliadau penodol e.e. ysbytai, gorsafedd heddlu a'r Ganolfan Ddiwylliannol yn y Rhyl.

Byddai'r cydlynwyr rhanbarthol newydd arfaethedig yn canolbwyntio'n fawr ar eu gwaith o amgylch yr agwedd arbennig hon o ymddygiad gwrthgymdeithasol.

- Roedd pobl yn cael eu hannog i roi gwybod am unrhyw weithgareddau amheus fel yr adroddwyd, adroddir ar y canlyniadau mwy cadarnhaol.
- Roedd gwerthu adeilad Neuadd Morfa yn y Rhyl oedd yn lleoliad i wasanaethau gwirfoddol wedi'i godi fel pryder posibl ar gyfer y dyfodol. A oedd gwasanaethau gwirfoddol i gael eu hadleoli? Cadarnhaodd y Rheolwr Tîm Cynllunio Strategol y byddai'n codi'r mater gyda Phrif Weithredwr Cyngor Gwasanaethau Gwirfoddol Sir Ddinbych ac adrodd yn ôl i aelodau drwy'r Cydlynwdd Craffu.

Yn dilyn trafodaethau manwl:

PENDERFYNWYD bod y Pwyllgor, yn amodol ar yr arsylwadau uchod a darparu'r wybodaeth y gofynnwyd amdani, naill ai mewn fformat ysgrifenedig neu fel rhan o gyflwyniad Prif Arolygydd Heddlu Gogledd Cymru i sesiwn Briffio'r Cyngor ym mis Tachwedd 2019, cymeradwyo perfformiad y Bartneriaeth Diogelwch Cymunedol yn ystod 2018-19 a'i gynllun gweithgaredd arfaethedig ar gyfer 2019-20.

6 ADRODDIAD BLYNYDDOL AR DDIOGELU OEDOLION YN SIR DDINBYCH 1 EBRILL 2018 – 31 MAWRTH 2019

Cyflwynodd yr Aelod Arweiniol Lles ac Annibyniaeth, y Cynghorydd Bobby Feeley yr Adroddiad Blynyddol ar Ddiogelu Oedolion yn Sir Ddinbych 1 Ebrill 2018 – 31 Mawrth 2019 (dosbarthwyd yn flaenorol).

Dros y 12 mis diwethaf, bu ffocws parhaus ar wella cysondeb ac ansawdd gwaith diogelu. Roedd cryn dipyn o waith wedi'i wneud i wella perfformiad yn erbyn dangosydd perfformiad Llywodraeth Cymru o ymholiadau a gwblhawyd o fewn 7 diwrnod gwaith. Er hynny, nid oedd ac ni fyddai'r Awdurdod yn llaesu dwylo yn y maes hwn.

Cafodd Deddf Galluedd Meddyliol (Diwygio) 2019 gydsyniad brenhinol ym mis Mai 2019, oedd yn diwygio Deddf Galluedd Meddyliol 2005 ("MCA"). Roedd y diwygiadau'n cyflwyno'r Trefniadau Diogelu Rhyddid newydd (LPS). Nod y Ddeddf yw lleihau'r straen ar y system trefniadau diogelu rhag colli rhyddid ers dyfarniad Gorllewin Swydd Gaer a adroddwyd yn flaenorol i'r Pwyllgor Craffu.

Roedd prif gyflawniadau yn 2018-19 fel a ganlyn:

- Dyddiau penodol wedi eu sefydlu ar gyfer cyfarfodydd strategaeth cychwynnol yn dilyn cynllun peilot llwyddiannus.
- Archwiliadau chwarterol ar sampl o achosion diogelu er mwyn sicrhau ansawdd a chysondeb gwaith.
- Cynllun peilot i sefydlu proses rhwng CSDd a'r bwrdd iechyd yn ymwneud ag adborth ar yr argymhellion a nodwyd o ganlyniad i'r broses ddiogelu. Roedd y cynllun peilot yn canolbwyntio ar ddiogelu adroddiadau/nodweddion yn ymwneud ag Uned Ablett. Bydd trosolwg o'r cynlluniau gweithredu diogelu hyn yn parhau'n gyfrifoldeb Craffu Diogelu Corfforaethol o fewn

BIPBC. Cytunir ar adolygiadau a rhan arweinwyr diogelu'r awdurdod lleol yn y cyfarfod strategaeth terfynol.

- Peilota dull o fynd i'r afael ag adroddiadau diogelu yn ymwneud â briwiau pwyso.
Nod y cynllun peilot oedd sefydlu proses agosach a mwy effeithiol rhwng BIPBC a'r awdurdod lleol.
- Adolygu systemau i reoli ceisiadau Trefniadau Diogelu Rhag Colli Rhyddid (DoLS) a dderbyniwyd.

Cadarnhaodd y Rheolwr Gwasanaeth – Gwasanaethau Arbenigol bod atgyfeiriadau yn parhau ar gynnydd gyda 9.5% o gynnydd yn ystod y flwyddyn ddiwethaf. Roedd 21% o atgyfeiriadau a dderbyniwyd yn mynd i gyfarfodydd Strategaeth.

Esgeulustod a cham-drin corfforol oedd y mathau mwyaf cyffredin o gamdriniaeth a nodwyd, a oedd yn debyg i dueddiadau cenedlaethol.

Wrth drafod, codwyd y materion canlynol:

- Gofal priodol, yn arbennig amser prydau, os nad oedd person diamddiffyn yn gallu agor y bocsys brechdanau a ddarparwyd.
Roedd hwn yn bryder a godwyd gan aelodau. Cadarnhaodd y Pennaeth Gwasanaethau Cynnal Cymunedol y byddai'n codi'r pryder hwn gyda BIPBC
- Symud preswlydd i le diogel pan oedd problem gyda lleoliad wedi'i nodi yn ystod archwiliad – oedd yna amserlen?
Eglurodd y Pennaeth Gwasanaethau Cynnal Cymunedol os oedd unigolyn yn gallu, gallent ddewis aros yn y lleoliad. Os nad oeddent yn gallu yna cysylltir â'r Atwrneiaeth os oedd yna un, neu cynhelir Cyfarfod Penderfyniad Budd Pennaf. Roedd Gweithwyr Cymdeithasol Arbenigol, Seiciatryddion a Seicolegwyr yn asesu pa un a oedd gan unigolyn gapasiti ai peidio
- Roedd swyddogion yn amlinellu'r broses a ddilynir ar ôl derbyn honiad o gamdriniaeth
- Roedd perfformiad Sir Ddinbych o ran delio gyda cham-drin honedig yn cymharu ag awdurdodau cyhoeddus eraill yng Nghymru yn yr un modd â'i berthynas gyda'r Bwrdd Iechyd Lleol.
Roedd dau dîm adnodd cymunedol iechyd a gofal cymdeithasol wedi eu sefydlu yn Sir Ddinbych hyd yma. Roedd y berthynas gyda'r timau hyn yn dda yn gyffredinol, gyda staff yn gweithio tuag at gyflawni nodau cyffredin;
- Cadarnhaodd Swyddogion bod y posibilrwydd o gyflwyno achrediad 'dyfarniad' i gartrefi gofal yn cael ei ystyried fel rhan o drefn rheoliad cenedlaethol ar gyfer sefydliadau o'r fath.
- uchelgais y Gwasanaeth oedd cyflawni canlyniadau gwell i ddefnyddwyr gwasanaeth, tra'n lleihau'r nifer o achosion o gam-drin honedig.
Fodd bynnag, roedd y ffaith bod honiadau o gam-drin yn cael eu cofrestru yn ei hun yn gadarnhaol gan ei fod yn golygu bod defnyddwyr gwasanaeth a/neu eu gofawyr yn gwybod ac yn fodlon rhoi gwybod am honiadau. Dylai hyn yn ei hun helpu i atal cyflawnwyr trosedd yn y dyfodol.

PENDERFYNWYD yn amodol ar y sylwadau uchod:

- (i) bod y Pwyllgor yn derbyn yr adroddiad a chydnabod pwysigrwydd ymagwedd gorfforaethol at ddiogelu oedolion mewn perygl a chyfrifoldeb y Cyngor i weld hyn fel maes blaenoriaeth allweddol; a

(ii) bod unrhyw siartiau sydd wedi eu cynnwys mewn adroddiadau yn y dyfodol yn cynnwys yr union nifer yn ogystal â ffigyrau canran.

7 GWASANAETHAU IECHYD MEDDWL PLANT A PHOBL IFANC A GWASANAETHAU NIWRO-DDATBLYGIAD

Roedd y Cynghorydd Gareth Lloyd Davies yn datgan cysylltiad personol yn Eitem 7 (Gwasanaethau Iechyd Meddwl Plant a'r Glasoed a Gwasanaethau Niwroddatblygiad) gan ei fod yn gweithio i BIPBC.

Roedd y Cynghorydd Rachel Flynn (arsylwr) yn datgan cysylltiad personol yn Eitem 7 (Gwasanaethau Iechyd Meddwl Plant a'r Glasoed a Gwasanaethau Niwroddatblygiad) gan fod ei mab wedi'i atgyfeirio ar gyfer niwroddatblygiad gan CAMHS.

Yn bresennol i gyflwyno'r adroddiad ar lafar ar Wasanaethau Arbenigol Iechyd Meddwl Plant a Glasoed (CAMHS) a Gwasanaethau Niwroddatblygiad o BIPBC oedd:

Bethan Jones, Cyfarwyddwr Ardal Canolog
Sue Wynne, Rheolwr Gwasanaeth Clinigol, Ardal Ganolog, a
Sara Hammond-Rowley, Pennaeth Seicoleg Plant a Therapiau Seicolegol

Cyflwynodd Bethan Jones, Cyfarwyddwr Ardal, Canolog y cyflwyniad ac amlinellodd yr amcanion sef:

- Rhoi trosolwg o Wasanaethau Arbenigol CAMHS a Niwroddatblygiad i blant a phobl ifanc yn Sir Ddinbych wedi'i gysylltu â dull rhanbarthol BIPBC;
- Amlinellu'r weledigaeth – dull systemau cyfan – ac amlygu gwaith partneriaeth / cydbrosiectau.

Amlinelliad o'r sylw presennol i iechyd meddwl yn y cyfryngau - y budd a'r canlyniadau posibl nas fwriadwyd:

Manteision -

- Mwy o ymwybyddiaeth o iechyd meddwl ymhlith y cyhoedd
- Mwy o ymgyrchu
- Llai o stigma, a
- Mwy o bobl yn dod ymlaen i ofyn am gymorth

Canlyniadau posibl nas fwriadwyd -

- Mwy o bobl yn gofyn am gymorth ar gyfer trallod 'arferol' oedd yn arwain at gynnydd yn y galw ar gyfer problemau nad oedd bob amser angen cymorth arbenigol
- Gall y sawl â phroblemau iechyd meddwl sylweddol / salwch meddwl deimlo eu bod yn cael eu heithrio, roedd rhai yn teimlo bod y ffocws cynyddol ar "les" yn tansilio difrifoldeb y problemau iechyd meddwl "gwirioneddol" a gallai yn anfwriadol leihau mynediad i'r sawl oedd ei angen fwyaf
- Roedd mwy o wasanaethau yn disgrifio eu hunain yn canolbwyntio ar iechyd meddwl o bosibl yn arwain at ormod o wasanaethau yn gorgyffwrdd a dryswch.

Roeddent yn egluro'r gwahaniaeth rhwng Gofal Sylfaenol a Gofal Eilaidd.

Prif swyddogaethau CAMHS oedd:

- Integreiddio
 - ✓ Timau Amlddisgyblaethol
 - ✓ Swyddogaethau
- Un Pwynt Mynediad
- Aseiad a Thriniaeth
- Argyfwng
- Gweithio gyda phartneriaid - Ymyrraeth Gynnar ac Ataliad

Roedd dull system gyfan nawr yn cael ei ddefnyddio ar gyfer gwasanaethau CAMHS gan y teimlwyd bod angen canolbwyntio ar bob agwedd o CAMHS i sicrhau fod popeth yn cael ei gymryd i ystyriaeth. Byddai canolbwyntio'n benodol ar gyflawni targedau yn gwneud anghymwynas â phlant a phobl ifanc oedd angen cymorth mewn argyfwng.

Bu heriau yn ystod y 3 blynedd ddiwethaf o ran recriwtio staff o ganlyniad i'r cynnydd yn y galw. Roedd hon yn broblem genedlaethol.

Roedd ymgyrch recriwtio wedi'i gynnal yn ystod y 12 mis diwethaf a datblygwyd swyddi hyfforddiant newydd i ddenu gweithwyr proffesiynol i CAMHS. Roedd yr ymgyrch recriwtio hwn wedi bod yn llwyddiannus gyda 30% ychwanegol o staff yn ymuno â'r tîm oedd yn dechrau yn eu swyddi ar hyn o bryd. Byddai'r staff ychwanegol yn galluogi cyrraedd y 4 wythnos ar draws holl amseroedd aros ac aseidiadau arferol. Roedd ymgyrchoedd recriwtio ychwanegol yn creu diddordeb mewn swyddi a rhagwelir y sefydlir yn llawn erbyn diwedd Mawrth 2020.

Yn ystod trafodaeth fanwl, codwyd y pwyntiau canlynol:

- Os oedd yna argyfwng, cadarnhawyd y byddai'r unigolyn yn derbyn cymorth a thriniaeth ar unwaith ac ni ddisgwylir iddynt aros.
Byddai atgyfeiriadau nad ydynt yn argyfwng yn amodol ar gael eu rhoi ar restr aros, ond y nod oedd lleihau'r amser yr oedd unigolion yn dreulio ar restr aros.
- Ar gyfer gofal sylfaenol, roedd yna nod i leihau'r rhestrau aros.
Roedd galw ar gynnydd oedd wedi'i gydnabod gan Lywodraeth y DU a Llywodraeth Cymru.
- Roedd gwaith ar y gweill gyda chlwstwr Meddyg Teulu Gogledd Sir Ddinbych i geisio lleihau'r niferoedd oedd yn cael eu hatgyfeirio i CAMHS Arbenigol drwy ymyrraeth gynnar yn y pwynt mynediad gofal sylfaenol.
Roedd darparu'r gwasanaeth cywir ar yr amser cywir yn allweddol.
- Roedd cynnydd wedi'i wneud o ran hunan-niweidio gan fod darn o waith cadarn wedi'i wneud o fewn Sir Ddinbych ac roedd yna lawer o gefnogaeth a gwaith wedi'i wneud i helpu'r bobl ifanc hynny oedd yn hunan-niweidio.
- Byddai prosiect rhanbarthol sy'n cael ei arwain gan Sir Ddinbych yn cael ei sefydlu ond oherwydd cymhlethdod mae'n cymryd amser ac ystyriaeth ofalus.

Byddai'r prosiect yn darparu gwybodaeth ar gyfer datblygiad a phroblemau'r plentyn a fyddai ar gael i rieni a gofalwyr.

- Roedd effaith cyfryngau cymdeithasol ar bobl ifanc wedi cynyddu'n sylweddol a chadarnhawyd bod angen mireinio'r llwybrau.
O ran gofal bugeiliol, roedd gan bob ysgol uwchradd berson cyswllt oedd yn mynychu pob cyfarfod.
- Roedd prosiect Allgymorth CAMHS Sir Ddinbych a Wrecsam yn cael ei werthuso ar hyn o bryd.
Roedd hon yn gydfenter rhwng CAMHS ac ysgolion yn y ddwy sir.
- Cadarnhawyd bod gorbryder yn broblem anferth a gallai achosi iselder.
Gobeithio y byddai'r mater hwn yn derbyn mwy o sylw wrth i fwy o staff gael eu recriwtio.
- Roedd gan y Gwasanaeth Addysg rôl allweddol i'w chware i ddarparu cefnogaeth briodol i ddisgyblion ysgol, fodd bynnag ni ellir gwneud hynny nes byddai asesiadau CAMHS wedi eu cwblhau.
- Roedd Gwasanaethau Niwroddatblygiad nawr wedi eu gwahanu oddi wrth CAMHS gan y cydnabyddir nad oedd cyflyrau niwroddatblygiadol yn gyflyrau iechyd meddwl
- Cadarnhawyd y byddai'r Gwasanaeth CAMHS yn archwilio'r potensial o ddatblygu dogfen ganllaw i rieni plant oedd yn aros i gael mynediad i'r gwasanaeth.

Diolchodd y Pwyllgor i'r cynrychiolwyr o BIPBC am fynychu a rhoi trosolwg o CAMHS.

PENDERFYNWYD yn amodol ar y sylwadau uchod, i nodi'r cyflwyniad ar Wasanaethau Iechyd Meddwl Plant a Glasoed a Gwasanaethau Niwroddatblygiad.

8 RHAGLEN WAITH ARCHWILIO

Cyflwynodd y Cydlynnydd Archwilio adroddiad (a ddisbarthwyd yn flaenorol) yn gofyn i'r Aelodau adolygu Rhaglen Gwaith y Pwyllgor a rhoi diweddariad ar faterion perthnasol.

7 Tachwedd 2019 – 4 eitem ar y Rhaglen Gwaith i'r Dyfodol fyddai nawr yn aros fel y nodwyd.

Ar y pwynt hwn, gofynnodd y Cadeirydd i'r cyfarfod ddod i ben am 1.00pm i ganiatáu digon o amser ar gyfer pob eitem.

Cadarnhaodd y Cydlynnydd Craffu bod ffurflen cynnig wedi'i hystyried gan y Grŵp Cadeiryddion ac Is-gadeiryddion Craffu ynglŷn â defnyddio chwynladdwr ar draws y sir. Roedd y Grŵp Cadeiryddion ac Is-gadeiryddion Craffu wedi gofyn i'r eitem gael ei chynnwys yn yr eitem 'Polisi'au Cynnal Llain Las a Gwrychoedd Priffyrdd a Chefnffyrdd y Cyngor ar Raglen Gwaith i'r Dyfodol y pwyllgor ar gyfer y cyfarfod ar 13 Chwefror 2020. Hefyd gofynnwyd i'r eitem hon gael ei rhestru fel yr eitem gyntaf ar y Rhaglen.

Roedd angen dau gynrychiolydd o'r Pwyllgor Craffu Partneriaethau i fynychu'r Grŵp Monitro Safonau Ysgol. Cytunwyd mai'r Cynghorwyr Hugh Irving a Peter Scott fyddai'r cynrychiolwyr.

PENDERFYNWYD yn amodol ar yr uchod, cymeradwyo'r rhaglen gwaith i'r dyfodol fel ag y mae yn Atodiad 1 i'r adroddiad.

9 ADBORTH GAN GYNRYCHIOLWYR PWYLLGORAU

Dim.

Daeth y cyfarfod i ben am 1.00pm.